

Inatsisartut suleriaasiat § 37 malillugu immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara.

Naalakkersuisunut apeqqut:

- 1. Ilumoorpa Naalakkersuisut inummut ilanngaataq allannguiffigisimagaat, utoqqalinersiummut akiliisimanninneq tunngavigalugu?**
- 2. Ilumoorpa Naalakkersuisut inuit utoqqalinersiummut akiliinikissimasut attavigisimannikkaat sapaatip akunneranik sisamanik (4) periarfissillugit akilernissaanik?**
- 3. Ilumoorpa Naalakkersuisut akileraartarnermut ilanngaataq utoqqalinersiummut akiliinikippallaarsimasut ukioq tamaat atuuttussanngorlugu qaffaavigigaat, akiliutikinnerat kisiaanngitsoq?**

(Inatsisartuni ilaasortaq Pele Broberg, Partii Naleraq)

Tunngavilersuut:

Innuttaasut arlallit nittartakkatigut inummut ilanngaatajarfigineqarnertik aammalu akileraartarnermut ilanngaammik qaffaaffigineqarsimanertik, pisortanit nalunaarfigisimaneqarnermik suaarutigisimavaat. Ilaasa aamma oqaloqateqarsimanninnermik suaarutigalugu, naak tamanna inatsisikkut piumasqaataagaluartoq.

Inummut ilanngaatip apparnera aammalu akileraarnerup procentia ukiumut tamakkiisumut atuutissaneraarlugu. Utoqqalinersiummut akiliutigisassaraluap akilernissaata tungaanuunngitsoq.

Tusagassiorfiit nalunaarutigivaat innuttaasut 6.000 sinnerlugit eqqugaasut taamaasiornikkut.

Soraarnerussutisiaqarnissamut aqqissuussinnermut pinngitsoorani ilaanissaq pillugu Inatsisartut inatsisaat nr. 21, 28. november 2016-imeersoq ersareqaaq. §7 imm. 2 malillugu naatsorsuineq naammassereerpat, inuk sapaatit akunneri 4-it periarfissinneqassammat akiliutit nikiqassutaasut akilernissaat.

Taamaammatt eqqumiiginarpoq, ukiumut naatsorsuut, inuk attavigineqarnera aammalu sapaatip akunneri 4-it akiliinissaanut periarfissiineq, januarip sapaatip akunnerisa siulliit marluk iluanni pisinnaanera

Inatsit aamma ersareqaaq §7 imm. 2 periarfissap kingorna akileraartarnerup qaffanneqarneratigut akiligassiinissaq. Inummut ilanngaataq nikisinnagu aammalu ukiumut tamakkiisumut atuutisinnagu, akiliulli nikiqassuttip akilernissaata tungaanut.

Apeqqutit ullut qulit suliffiusut iluani akineqarnissaat kissaatigaara.

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536